



M gūusa Nabiyaamā nengē (Wēnd puusg la A tūlgr be a yīnga) rakaar-rāmb piiga

Yii a Ibn ‘Umar nengē, (Wēnd yard be b yiibā yīnga), a yeelame: M gūusa Nabiyaamā nengē (Wēnd puusg la A tūlgr be a yīnga) rakaar-rāmb piiga: rakaar a yiibu taoor tū Zafar na n ka ta, la rakaar a yiibu Zafar poorē, la rakaar a yiibu Magrib poorē a zakē wā, la rakaar a yiibu sāanf poorē a zakē, la rakaar a yiibu taaor tū fagir na n ka puuse, la a ra yaa wakat ned sēn ka kēed Nabiyaamā (Wēnd puusg la A tūlgr be a yīnga) nengē sasa-kāngā, a Hafsa togta maam tū laandāan boaalā sā n wa boole, tū fagirā sā n puki, Nabiyaamā puusda rakaar a yiibu, la gom-bila a to pugē a yeelame tū Nabiyaamā (Wēnd puusg la A tūlgr be a yīnga) ra yūme n puusd arzūm poorē rakaar a yiibu.

[Naşun Şahihon (Gom-sikdem sēn manege)] [B zemsa taab a zugu (A Al-Buhaariy la a Muslim n reeg-a)
Hadiisā reegr soyā fāa pugē]

A ‘Abdullaah Ibn ‘Umar vēnegdame n wilgdē (Wēnd yard be b yiibā yīnga) tū naafūl-rāmb nins yē sēn gūus Nabiyaamā nengē wā (Wēnd puusg la A tūlgr be a yīnga) yaa piiga, la b boonda bāmb tū As-Sunan Arrawaatib (Sun tūnugdsi), rakaar a yiibu taoor tū Zafar na n ka ta, la rakaar a yiibu Zafar poorē, la rakaar a yiibu Magrib poorē a zakē wā, la rakaar a yiibu Sāanf poorē a zakē, la rakaar a yiibu taoor tū Fagir na n ka puuse, Tū rakaar piigā yaa sēn pidi. La sā n yaa arzūmā Puusgo, a maanda rakaar a yiibu a poorē.

<https://sunnah.global/hadeeth/mos/show/3062>

